

BULETIN

BAHAGIAN PEMBANGUNAN DAN PENGURUSAN MAKLUMAT STRATEGIK



Terima Kasih Warga BPMS Di Atas Kerjasama Yang Telah Diberikan Sepanjang Mengendalikan Perhimpunan Bulanan JPA Anjuran BPMS

PEG. CONTOH BULANAN: NOVEMBER
2017

KUMPULAN PENGURUSAN &
PROFESIONAL



AHAIRUL AFZA BIN ABDUL
WAHAB

KUMPULAN PELAKSANA



MOHD SALLEH BIN ABU SAMAH

ANUGERAH EKSA
DISEMBER 2017

ZON TERBAIK



ANDROID NOUGAT

INDIVIDU TERBAIK



ZURAIDA BINTI BADRI

KREATIVITI TERBAIK



ANDROID NOUGAT

GO GREEN TERBAIK



ANDROID KIT KAT

PANTRI TERBAIK



ANDROID LOLLIPOP

AUDIT DALAMAN EKSA BPMS

5 DISEMBER 2017
BPMS

Jawatankuasa Audit Dalaman EKSA BPMS telah menjalankan sesi audit sebagai penutup bagi tahun 2017 pada 05 Disember 2017. Audit pada kali ini telah menemui beberapa penambahbaikan yang perlu dilaksanakan oleh ketua-ketua zon yang terlibat. Berikut adalah keputusan Anugerah EKSA BPMS dan juga keputusan markah keseluruhan bagi setiap zon:-

ANUGERAH	PEMENANG	
Zon Terbaik	Zon Android Nougat	
Individu Terbaik	Puan Zuraida binti Badri	
Pantry Terbaik	Zon Android Lollipop	
Go Green Terbaik	Zon Android Kit Kat	
Kreativiti Terbaik	Zon Android Nougat	
ZON	KEPUTUSAN MARKAH	
Zon Android Nougat	97.79	
Zon Android Lollipop	95.84	
Zon Android Marshmallow	96.41	
Zon Android Kit Kat	95.18	
Keputusan Markah Keseluruhan BPMS Disember 2017		96.31%

BPMS merakamkan setinggi-tinggi penghargaan dan ucapan terima kasih yang tidak terhingga kepada Ahli

Jawatankuasa Pelaksana EKSA BPMS Sesi 2017/2018 dan Ahli Jawatankuasa Audit Dalaman BPMS Sesi 2017/2018 di atas segala usaha dan sumbangan yang tidak berbelah bahagi sepanjang Tahun 2017 di dalam memastikan BPMS melaksana dan mengamalkan EKSA secara berterusan. Berkat kerjasama daripada semua pihak, BPMS kini telah tersenarai sebagai salah satu bahagian yang terbaik di JPA dalam melaksanakan EKSA sepenuhnya. Tahniah kepada semua. Di samping itu, diharap usaha dan kerjasama seperti ini dapat diteruskan malah dipertingkatkan lagi agar kecemerlangan EKSA di BPMS dapat diteruskan pada tahun-tahun yang akan datang.

JAWATANKUASA PELAKSANA BPMS TAHUN 2017/2018

PENGURUS
DATUK HAJI MOHD DANIAL BIN MA'ALIP

PENYELARAS
AZAHARULDIN BIN ABDULLAH

FASILITATOR
NOR IRFHAN BIN NOR AZMAN

JAWATANKUASA LATIHAN
WAN SITI NUR'AIN BINTI OMAR

JAWATANKUASA PROMOSI
NOOR AMALINA BINTI ZULKIFLI

JAWATANKUASA AUDIT
NURUL HASFATINA BINTI HASNAN

KETUA ZON ANDROID NOUGAT
NOOR HUZAIMAH BINTI HUSSIN

KETUA ZON ANDROID MARSHMALLOW
AZILAWATI BINTI AZMI

KETUA ZON ANDROID LOLLIPOP
NURSHAFINA BINTI MOHD YUSOFF

KETUA ZON ANDROID KITKAT
DORAHASRA BINTI RAMLI

EKSA
EKOSISTEM KONDUSIF SEKTOR AWAM
JPA Petronas Imej Korporat Perkhidmatan Awam

TARikh REMARKING: 16 NOVEMBER 2017



Gersama

Sesi Ramah Mesra PUSPANITA BPMS

YBhg. Datin Hjh Zawiah binti Mohd Taib

8 DISEMBER 2017

BILIK SERBAGUNA BOUGAINVILLEA, ARAS 6

Sesi Ramah Mesra PUSPANITA BPMS telah diadakan pada 8 Disember 2017 (Jumaat) bertempat di Bilik Serbaguna Bouganvillea, Aras 6, BPMS. Sesi ini telah mendapat sambutan yang menggalakkan di mana ia turut dihadiri oleh YBhg. Datin Hajah Zawiah Binti Mohd Taib, selaku Pengurus Biro ICT PUSPANITA JPA serta lebih 100 orang ahli PUSPANITA BPMS yang lain.

Matlamat utama Sesi Ramah Mesra PUSPANITA BPMS ini adalah bagi mengukuhkan lagi silaturrahim di antara Pengurus serta ahli-ahli PUSPANITA BPMS yang lain setelah bersama-sama menjayakan semua aktiviti PUSPANITA sepanjang tahun 2017, baik di peringkat Bahagian mahupun di peringkat Jabatan.

Terdapat pelbagai aktiviti telah dianjurkan bersempena Sesi Ramah Mesra PUSPANITA BPMS ini antaranya ialah Demo Masakan dan Solekan, Sesi Pertukaran Hadiah serta Cabutan Bertuah yang telah disediakan kepada warga PUSPANITA BPMS. Sesi Ramah Mesra PUSPANITA BPMS ini juga merupakan penutup aktiviti bagi PUSPANITA BPMS bagi tahun 2017 ini.



MENDEPANI CABARAN MENJULANG KEJAYAAN

8 DISEMBER 2017
BILIK SERBAGUNA
BOUGAINVILLEA, ARAS 6



(#BEBOLD2018 #BersamaHadapiCabar)

Cawangan Pengurusan Data Standard telah menganjurkan Perhimpunan Bulanan Bahagian Pembangunan & Pengurusan Maklumat Strategik pada 8 Disember 2017 dengan tema "Mendepani Cabaran, Menjulang Kejayaan". Tema yang dipilih adalah amat bertepatan dengan cerminan semangat warga BPMS yang bersedia mendepani setiap cabaran dengan sifat setia kawan yang tinggi (#BeBold2018 #BersamaHadapiCabar). Elemen "keberanian" dan "kebersamaan" merupakan faktor kritisikal yang sangat penting untuk memastikan setiap sasaran yang telah digariskan dapat dicapai oleh BPMS.

Pada majlis perhimpunan tersebut, YBhg. Datuk Haji Mohd Danial bin Ma'alip, Pengarah BPMS telah menyampaikan amanat yang begitu signifikan dan mencakupi semua aspek landskap perkhidmatan berkualiti yang perlu diaplakisikan oleh setiap warga BPMS. Antara inti pati amanat YBhg. Datuk PBMS pada kali ini adalah seperti berikut :

1. Berani untuk berubah dan berani untuk mencabar paradigma semasa yang bersifat static;
2. Hapuskan budaya kerja "silo" di BPMS dan mula bersinergi merentas cawangan bagi mewujudkan teras kerja berpasukan yang mantap;
3. Melengkapkan diri dengan ilmu dan kemahiran baharu serta sentiasa berminda terbuka untuk terus kekal relevan dalam fenomena baharu perkhidmatan awam;
4. Sentiasa berusaha membina keupayaan diri, memupuk sikap positif dan sentiasa memastikan diri berada selangkah di hadapan pada setiap masa; dan
5. Jangan lupa untuk memaafkan kesalahan, dan apabila telah memaafkan : Lupakan Kesalahan Tersebut

YBhg Datuk PBMS turut menerangkan empat komponen utama "New Normal" yang perlu diberi perhatian oleh warga BPMS. Empat komponen tersebut adalah seperti berikut :

PERUBAHAN GEO-POLITIK DUNIA

"Perubahan perimbangan kuasa". Majalah Economist terkini menyatakan Presiden China dikatakan "The world's most powerful person on earth"

PERUBAHAN TREKIPIMPIN NEGARA DUNIA

"Pemimpin negara dilantik di kalangan individu muda – dalam lingkungan 30 tahun – 40 tahun seperti berlaku di Kanada, Perancis dan Austria"

PERALIHAN LANDSKAP EKONOMI GLOBAL

" Perubahan daripada 'service and knowledge-based economy' kepada 'digital and sharing economy' seperti Ali Baba, AirBnB, Grab Car dan Rent The Runway"

REVOLUSI INDUSTRI 4.0

"Penggunaan meluas Artificial Intelligence, machine learning, robotics, genetics, teknologi nano dan bio-teknologi mengancam business model sedia ada dan memerlukan kemahiran atau skills-set modal insan yang berbeza daripada masa kini"

Selain daripada itu, YBhg. Datuk juga mengambil kesempatan dalam ucapan beliau untuk menzahirkan penghargaan dan terima kasih kepada Puan Nooratul Ashikin Dilah yang dinaikkan pangkat ke Gred M44 di Kementerian Sumber. YBhg. Datuk mengharapkan agar beliau akan terus cemerlang dan sentiasa membawa nama baik JPA di Kementerian baharu.

YBhg. Datuk juga turut menyampaikan ucapan takziah kepada warga BPMS yang telah menerima musibah dan kehilangan ahli keluarga terdekat. Kesedihan mereka turut dirasai oleh semua warga BPMS yang mendoakan kesejahteraan dan kekuatan kepada mereka sekeluarga yang terbabit.

Sempena Majlis Perhimpunan ini, YBhg. Datuk PBMS turut sudi menyampaikan hadiah kepada warga BPMS bagi pelbagai kategori seperti Pegawai Contoh bulan November 2017, Anugerah EKSA Disember 2017, pegawai yang melangsungkan perkahwinan dan warga menyambut kelahiran pada bulan Disember 2017.

Majlis Perhimpunan ini telah diakhiri dengan sesi cabutan bertuah yang berlangsung dengan suasana yang penuh meriah dan muhibbah. Tahniah dan terima kasih kepada semua warga BPMS yang menjayakan Majlis Perhimpunan BPMS Disember 2017!

14 – 16 DISEMBER 2017

PERLIS - HATYAI

Seramai lima (5) orang pegawai BPMS telah menyertai Sukarelawan JPA bagi Program Jelajah JPA4U Perlis - Hatyai pada 14 hingga 16 Disember 2017 yang dianjurkan oleh Kelab JPA. Di antara pengisian program jelajah ini adalah sukan, CSR selain mengeratkan hubungan diplomatik. Aktiviti hari pertama dimulakan dengan perlawanan sukan persahabatan bersama SUK Perlis. Antara sukan yang dipertandingkan adalah futsal, badminton, ping pong, dart dan karom. Pada sebelah petang, Sukarelawan JPA di bawa melawat ke Kompleks Penyayang Dr. Siti Hasmah di Jejawi, Perlis bagi membuat kerja gotong-royong seperti mengecat dan membersihkan kawasan asrama Anak Yatim. Selepas itu, Sukarelawan JPA di bawa melawat rumah warga emas bagi bersama-sama mengedarkan makan malam dan mengambil peluang untuk beramah mesra bersama penghuni. Pada sebelah malam, Sukarelawan JPA telah dijemput untuk menghadiri Majlis Makan Malam yang dianjurkan oleh SUK Perlis.

JELAJAH JPA4U

PERLIS - HATYAI 2017

SUKAN - CSR - DIPLOMATIK



Pada hari kedua, aktiviti dimulakan pada awal pagi untuk bergerak ke sempadan Thailand melalui Wang Kelian. Seterusnya, Sukarelawan JPA melawat perkampungan Melayu Thailand di Kuandhon di mana agihan sumbangan berupa barang dapur dan makanan kepada 50 keluarga miskin di daerah tersebut dilakukan. Selain itu, sumbangan turut dihantar terus ke rumah penerima sumbangan yang tidak dapat berkumpul di Masjid akibat faktor kesihatan. Di sini, Sukarelawan JPA berpeluang melihat sendiri tempat tinggal keluarga miskin berkenaan selain merasai sendiri kepentingan hidup mereka. Program lawatan ini berakhir pada jam 1.00 tengah hari setelah hidangan makan tengah hari disediakan secara bergotong-royong oleh khariah Masjid Kuandhon. Jelajah JPA4U seterusnya meneruskan perjalanan ke Hatyai dan menginap semalam sebelum pulang ke Putrajaya pada keesokan harinya.

- Dorahasra binti Ramli

LAWATAN KERJA

PSUK KELANTAN & PERBADANAN LABUAN

19 & 20 DISEMBER 2017

BPMs

Pada bulan Disember, BPMS telah menerima dua lawatan kerja sebagai penutup tahun 2017. Lawatan pertama adalah daripada **PSUK Kelantan** atas kapasiti **Lawatan Pembudayaan Ilmu Inovasi** pada 19 Disember 2017. Tujuan rombongan yang terdiri daripada 60 orang adalah untuk perkongsian ilmu mengenai produk inovasi Projek HRMIS 2.0 yang telah dinobatkan sebagai pemenang **Anugerah Inovasi Sektor Awam (AISA)** pada tahun 2016.



Timbalan Pengarah Cawangan Pengurusan Pelaksanaan & Kandungan bergambar kenangan bersama wakil Pejabat Setiausaha Kerajaan Negeri Kelantan



Timbalan Pengarah Cawangan Pengurusan Pelaksanaan & Kandungan bergambar kenangan bersama wakil Perbadanan Labuan

Pada 20 Disember 2017, sekali lagi BPMS telah menerima **Lawatan Kerja Pasukan Penyelia HRMIS Perbadanan Labuan (PL)**. Ini merupakan kali kedua BPMS menerima lawatan daripada Perbadanan Labuan dalam tahun yang sama. Lawatan kerja yang terdiri daripada 14 orang ini bertujuan untuk mempelajari serta mendalami dengan lebih terperinci pengurusan maklumat Sistem Maklumat Pengurusan Sumber Manusia (HRMIS) dan berkongsi permasalahan serta penyelesaian berkaitan penggunaan HRMIS.

Dalam kedua-dua lawatan tersebut, ahli rombongan telah dibawa untuk melawat **Enterprise Command Centre (ECC)** yang merupakan Pusat Pemantauan Operasi ICT, Pusat Meja Bantuan (*Helpdesk*) dan Pusat Data Hijau bagi HRMIS dan sistem-sistem generik yang lain.

Diharapkan agar hasil lawatan ini mampu menjana pengetahuan dan memberi impak positif kepada ahli rombongan terhadap penggunaan Sistem HRMIS.

IBRAH 2017: ASPIRASI MELONJAK PRESTASI

PERHIMPUNAN BULANAN JPA BULAN DISEMBER

ANJURAN BAHAGIAN PEMBANGUNAN DAN PENGURUSAN MAKLUMAT STRATEGIK

22 DISEMBER 2017

AUDITORIUM JPA, ARAS 4, BLOK C1

Perhimpunan Bulanan JPA anjuran BPMS telah berlangsung dengan jayanya pada 22 Disember 2017 di Auditorium C1. Bertemakan '**Ibrah 2017: Aspirasi Melonjak Prestasi**', perhimpunan pada kali ini telah mengajak warga JPA untuk merenung kembali pengajaran yang telah diperoleh daripada pengalaman sepanjang tahun 2017 dan bermuhasabah diri bagi mencetus aspirasi dalam diri seterusnya menggandakan prestasi bagi melonjakkan pencapaian dan kejayaan JPA pada tahun 2018. Jumlah kehadiran yang dicatatkan melebihi 600 orang.



Perhimpunan pada kali ini diselitkan dengan penyampaian Anugerah Citra Sahabat Dewan Bahasa dan Pustaka (DBP) 2017 Kategori Sektor Awam kepada JPA oleh Ketua Pengarah DBP sendiri iaitu YBhg. Datuk Haji Abdul Adzis bin Abas kepada YBhg. Tan Sri Zainal Rahim bin Seman, Ketua Pengarah Perkhidmatan Awam.



Majlis turut diisi dengan majlis penyampaian Sijil MS ISO 9001:2015 & Sijil ISO/IEC 27001:2013 daripada Encik Muhd. Azzanuddin Bin Salleh, Pengarah Urusan SIRIM QAS International Sdn. Bhd. kepada YBhg. Tan Sri KPPA yang mewakili JPA

YBhg. Tan Sri KPPA turut sudi melancarkan Buku 'Jabatan Perkhidmatan Awam: 2017 Tahun Penyampaian' disaksikan oleh YBhg. Dato' TKPPA(P), Dato' TKPPA(O), Pengarah-pengarah Bahagian serta para hadirin yang lain.

Di akhir majlis, YBhg. Tan Sri KPPA telah menyampaikan anugerah Inovasi, Anugerah Kumpulan Inovatif dan Kreatif serta Anugerah Kegemilangan JPA kepada pemenang-pemenang. Pada pertandingan tahun ini, BPMS telah menggondol naib johan bagi Anugerah Kegemilangan JPA seterusnya memenangi wang tunai berjumlah RM3,000.00. Tahniah dan terima kasih diucapkan kepada YBhg. Datuk Pengarah BPMS atas kepimpinan dan tunjuk ajar beliau sehingga membolehkan kejayaan ini dicapai.



ASPIRASI WARGA BPMS



HANAFI BIN
MOHAMED TAIB

Berharap kepentingan tentang keberkatan dan kebertanggungjawaban terhadap ibu bapa dikalangan rakyat Malaysia dapat ditingkatkan dengan mewujudkan pusat jagaan bagi ibu bapa di tempat kerja yang berdekatan

NOR LAILI BINTI MD
SOHOD

Berharap agar masa depan anak-anak lebih terjamin.

SHAIFUL AFZAN BIN
ABDOL MAJID

Berharap agar rakyat Malaysia mempunyai akhlak yang tinggi pada masa itu.

WAHIDAH BINTI
ABDUL WAHAB

Berharap agar rakyat Malaysia yang terlibat dengan masalah kesihatan yang agak kritikal diberi kemudahan beserta kelengkapan yang sebaik-baiknya.

NORIZAN BINTI
ABDUL KADIR

Berharap agar masyarakat Malaysia pada tahun 2050 mempunyai minda kelas pertama; iaitu kemajuan teknologi yang melanda negara setanding dengan tahap minda rakyatnya.

ZURAIDAWATI BINTI
ZAKARIA

Berharap agar rakyat Malaysia pada masa itu lebih menghargai kemudahan dan mempunyai pemikiran sivik yang tinggi.

WAHIDAH BINTI
ABDUL WAHAB

Berharap agar tiada lagi gelandangan di negara ini menjelang 2050.

WAHIDAH BINTI
ABDUL WAHAB

Berharap agar rakyat Malaysia yang terlibat dengan masalah kesihatan yang agak kritikal diberi kemudahan beserta kelengkapan yang sebaik-baiknya.

NOOR HUZAIMAH
BINTI HUSSIN

Mencadangkan agar *Artificial Intelligence* digunakan dalam semua aspek kehidupan dengan sokongan teknologi yang semakin berkembang pada 2050. Dengan cara ini, konsep paperless digunakan sepenuhnya, tiada nota digunakan di tangan dan tahap sekuriti menjadi lebih tinggi.

BERITA WARGA

Belasungkawa

Innalillahi wainnaihi rajaun

- Ibu mertua kepada Encik Ahmad Asri bin Wahid dari Sektor Operasi, Caw. Pengurusan Teknikal (CPT) telah kembali ke rahmatullah pada 6 Disember 2017 di ICU Hospital Putrajaya.
- Nenek kepada Encik Mohd Norhisham bin Mohd Shah dari Unit Penyelaras Khidmat Sokongan (UPKS) telah kembali ke rahmatullah pada 6 Disember 2017 di Melaka.
- Bapa mertua kepada Puan Zuraidawati binti Zakaria dari Sektor Pusat Data Dan Kawalan Utama (SPDKU) telah kembali ke rahmatullah pada 31 Disember 2017 di Hospital Kemaman.
- Ibu kepada Puan Aleeza binti Mohamed Idris dari Unit Penyelaras Khidmat Sokongan (UPKS) telah kembali ke rahmatullah pada 14 Disember 2017 di Ipoh.
- Ibu mertua kepada Encik Muhammad Azmeer bin Zainol Abidin dari Sektor Pengurusan Pengaturcaraan (SPP) telah kembali ke rahmatullah pada 14 Disember 2017.
- Bapa mertua kepada Puan Aznida Abd Aziz dari Sektor Pengurusan Pengaturcaraan (SPP) telah kembali ke rahmatullah pada 14 Disember 2017..

"Ya Allah, ampunilah dosanya, berilah rahmatMu ke atasnya, sejahtera dan maafkanlah dia"

Warga BPMS mengucapkan salam takziah dan semoga tabah serta sabar dalam menghadapi ujian Allah.

Musibah

- Suami kepada Puan Aleeza Binti Mohamed iaitu Encik Abdul Ghani Bin Hj. Karim telah dimasukkan ke Hospital Serdang pada 30 November 2017 yang lalu kerana mengalami masalah jantung.
- Ibu kepada Encik Dzulmadzlee Bin Yaakub iaitu Puan Sapiyah Binti Napiyah turut telah dimasukkan ke Hospital Putrajaya pada 21 November 2017 sehingga sekarang kerana mengalami masalah usus.

Kelahiran



Puan Norasiah Binti Harun@Mohamad dari Sektor Rangkaian dan Keselamatan, CPT telah selamat melahirkan bayi keempat, seorang **PUTERA** pada 25 November 2017

Puan Rosmizan Binti Mat Nong dari Sektor Pembangunan Aplikasi Teras, CPPA telah selamat melahirkan bayi kedua, seorang **PUTERA** pada 28 November 2017

Isteri kepada Encik Muhammad Nizam bin Shaharuddin dari Sektor Pengurusan Data, CPDS telah selamat melahirkan bayi pertama, seorang **PUTERA** pada 27 Disember 2017

Happy Birthday Disember



SHAFINA
5/12



HUZAIMAH
6/12



ARIFFIN
9/12



ROZAINI
10/12



SAYID
15/12



ZURAIMI
15/12



SHUKRI
21/12




SAFUAN
21/12



AZNIDA
27/12



SALLEH
27/12



W. S. NURAIN
30/12